

ԱՐՁԱՆԱԳՐՈՒԹՅՈՒՆ

«Էկո Ագրո» ՍՊԸ-ի կողմից ներկայացված՝ Կոտայքի մարզի Աբովյան համայնքի Առինջ բնակավայրի Մ. Մկրտչյան թաղ. 1-ին փողոց 32/2 հասցեում նախատեսվող բազմաբնակարան բնակելի շենքերի, բացօթյա սպորտային համալիրի և շատրվանի կառուցման շրջակա միջավայրի վրա ազդեցության գնահատման հաշվետվության վերաբերյալ հանրային լսման (2-րդ լսում)

01.10.2025թ

Առինջ բնակավայր

«Շրջակա միջավայրի վրա ազդեցության գնահատման և փորձաքննության մասին» օրենքի (03.05.2024թ. ՀՕ-150-Ն) համաձայն, ինչպես նաև ՀՀ կառավարության 28 դեկտեմբերի 2023 թվականի N2343-Ն որոշմամբ սահմանված կարգով 2025թ. հոկտեմբերի 1-ին, ժամը 12:00-ին Կոտայքի մարզի Աբովյան համայնքի Առինջ բնակավայրի վարչական ղեկավարի նստավայրում տեղի ունեցավ Գեղարքունիքի մարզի Կոտայքի մարզի Աբովյան համայնքի Առինջ բնակավայրի Մ. Մկրտչյան թաղ. 1-ին փողոց 32/2 հասցեում նախատեսվող բազմաբնակարան բնակելի շենքերի, բացօթյա սպորտային համալիրի և շատրվանի կառուցման շրջակա միջավայրի վրա ազդեցության գնահատման հաշվետվության վերաբերյալ երկրորդ հանրային լսումը:

Հանրային լսմանը մասնակցում էին «Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ Գոհար Մինասյանը, Կոտայքի մարզի Աբովյան համայնքի ղեկավարի տեղակալ Դիաննա Երեմյանը, նախագծող Արթուր Մինասյանը, «Էկո Ագրո» ՍՊԸ-ի ճարտարապետ Արմեն Հակոբյանը, բնակիչներ:

Հանրային լսումը վարեց «Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ Գոհար Մինասյանը, ով հանդես եկավ բացման խոսքով, ներկայացրեց փորձաքննական գործընթացը և կատարված աշխատանքները:

Ներկայացվեց, որ համաձայն օրենքի նախատեսվող գործունեությունը դասակարգվում է որպես Բ կատեգորիայի գործունեության տեսակ, որ փորձաքննական գործընթացի ժամկետը սահմանվում է 40 աշխատանքային օր, որ այս փուլից հետո, օրենքով սահմանված կարգով տրվելու է պետական փորձաքննական եզրակացություն:

Հաշվետվությունն օրենքով սահմանված կարգով ներկայացվել է շրջակա միջավայրի նախարարության ստորաբաժանումներին և տարբեր գերատեսչություններին կարծիքներ ստանալու նպատակով: Փորձաքննության իրականացման արդյունքում հաշվետվության վերաբերյալ եղել են առաջարկություններ և դիտողություններ, որոնց հիման վրա հաշվետվությունը ներկայացվել է նախաձեռնողին լրամշակման:

Լրամշակված հաշվետվությունը ներկայացնելուց հետո, օրենքով և կառավարության որոշման պահանջներին համապատասխան նշանակվել են հանրային լսումներ: Այս հանրային լսումն օրենքով 2-րդն է: Հանրային լսումների վերաբերյալ ծանուցումը հրապարակվել է առնվազն երեք հազար տպաքանակ ունեցող թերթում, փակցվել է մարզպետարանի, Աբովյանի համայնքապետարանի շենքում փորձաքննական կենտրոնի և համայնքապետարանի պաշտոնական կայքերում:


Այնուհետև փորձաքննական կենտրոնի մասնագետը ներկայացրեց նախատեսվող գործունեության վերաբերյալ տեղեկատվությունը, շրջակա միջավայրի վրա ազդեցությունները, մեղմող միջոցառումները, մշտադիտարկումները:

Գոհար Մինասյանն անդրադարձավ մթնոլորտային օդի պահպանության միջոցառումներին, ներկայացրեց նաև հաշվետվության վերաբերյալ դիտողությունները,

կապված հաշվետվությունում շինարարության, շենքերի և սարքավորումների քանդման խառը թափոնների բացակայության հետ, ինչին Արթուր Մինասյանը պարզաբանեց որ քանդման աշխատանքներ չեն իրականացվելու, հետևաբար քանդման թափոններ չեն առաջանալու: Գոհար Մինասյանն անդրադարձավ բնակելի շենքերի հարկայնությանը և պարզաբանեց, որ հաշվետվությունն ուղարկվել է քաղաքաշինության կոմիտե, վերջինիս վերաբերյալ կոմիտեն առարկություն չի ներկայացրել, ապա Դիաննա Երեմյանը հարցադրում կատարեց ավտոկայանատեղիների վերաբերյալ: Գոհար Մինասյանը պարզաբանեց, որ նախատեսվում են 112 ավտոկայանատեղի:

Հաջորդիվ Գոհար Մինասյանը հարցադրում կատարեց, թե արդյոք կան այլ դիտողություններ, առաջարկություններ, հարցեր, մասնակիցներն արտահայտվեցին որ կողմ են գործունեության իրականացմանը, այլ հարցեր չունեն, որից հետո հանրային լսման պատասխանատուն ամփոփեց և փակեց հանրային լսումը:

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի մասնագետ՝



Գոհար Մինասյան

«Էկո Ագրո» ՍՊԸ-ի ներկայացուցիչ՝

